

آبونه اولوق ايستينلر دائره عدليه ده  
اداره مخصوصه سنه مراجعت  
ايتلدر

اعلانك بهرندن بر مجديه اخذ  
ايدلور

نسخه سي ۴۰ پاره در

# تذکره محاکمات عدليه

سنه لکی در سعادت ایچون مجديه  
یکرمی غروش حسابيله التمش  
غروشدر

طشره ایچون پوسته اجرتی اوله رق  
اون بش غروش ضم اولنور

نسخه سي ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدليه متعلقدر

## تبلیغات

انجمن عدليه دن تنظيم واعطا قلنان مذکره در:

آیدین ولایتی محکمه استینافیه سی مدعی عمومیلکنک  
انجمنه تودیع اولنان ۱ تموز سنه ۳۲۰ تاریخی شقه سیله  
دفتر خاقانی نظارت جلیله سنک برلشدریرلان تذکره سی  
تدقیق و مطالعه اولندی.

نظارت مشارالیهانک تذکره مبحوثه سی مآلی قورنجه  
واستلیانو بیلرندنه متحدث ترلا دعواسندن طولانی  
صاروخان سنجانی بدایت محکمه سی حقوق دائره سندن  
ویریلان اعلام حکمی وجهله مذکور ترلانک مرقوماندن  
قورنجه نامنه طابو سندینک اعطاسی حقنده محکمه  
مذکوره اجراءدره سندن وقوعولان اشعار اوزرینه  
سند مذکورک تنظيم واعطا قلمسینی متعاقب ذکر  
اولنان ترلانک استلیانو عهده سنده ابقاسی بیلدرلش  
واولکی اشعاره مبان اولان تبلیغات اخیره یولسز  
بولمش اولدیغندن بختله بوبابده ایجاب ایدلره وصایای  
مؤثره اجرایی بیاندن عبارتدر.

سبق ایدن تبلیغات جواباً مذکور مدعی  
عمومیلکنکدن وارد اولان سالف الیمان شقه ده  
کوسترلیدیکی اوزره بوبابده کی حکم اعلامک تمیزاً  
تدقیق مرقوم استلیانو طرفسندن استدا قلندیغی  
وحکم مزبورک عقاره متعلق اولمسندن ناشی تأخیر  
اجراسی اصول محاکمات حقوقیه قانونک ایککیوز  
یکرمی دردنجی ماده سی ایجابندن اولوب مستدعی  
مرقومک تأخیر اجراییه دائر علم و خبر ابرازینه  
مجبوریت قانونیه سی اولدیغی حالده محلی اجراءدره سنجبه  
اثر ذهول اوله رق مزبور استلیانوک ویریلان مهل  
ظرفنده علم و خبر ابراز واران ایتدیکندن بختله  
برموجب اعلام خصمی قورنجه نامنه طابو سندینک  
اعطاسی دفتر خاقانی اداره سنه اشعار اولمش وبلا آخره  
اشعار واقعک قانونه مخالفتی اکلاشیله رق مذکور  
سندک هنوز ویرلماش اولدیغی صورتده تأخیری  
بیلدرلش اولدیغی کی مذکور ترلانک دخی محکومله  
طرفه تسلیم اولمیبوب معامله اجراییه نک حالله ابقا قلندیغی

منفهم اولسنه نظراً نظارت مشارالیهانک تذکره سنده  
بیان اولسان صورتک عکسی اوله رق اشعار اولک  
قانونه مخالفی نمایان اولمش و بناء علیه لازم الاجرا  
اولیان برحکمه مستند اودھولاً ویریلان سندک ابطالی  
طبیعی بولمش اولدیغندن احوال مماتله ده اصول محاکمات  
حقوقیه قانونک مارالذکر ایککیوز یکرمی دردنجی  
ماده سی احکام صریحه سنه توفیق معامله ده دقت واعتنا  
اولنسک اجر او وظیفه سیله مکلف اولان محکمه مذکوره  
ریاست اولاسنه اخطاریله برابر بیان حالی و تبلیغات  
اخیره مقتضاسنک ایفاسی لزوم قانونیسی متضمن  
اولوق اوزره نظارت مشارالیهانک تذکره جوابیه  
تسطیری تذکر قلندی.

## محاکمات و مقررات

طوسیه قضاسی اهلایسندن آسیه نی تعمداً اخناق  
ایتدیکنندن دولای جنایتله اتهام اولنان کورحسین  
اوغلی ابراهیمک اون سنه مدته کورک قونلسنه دائر  
قسطنمونی ولایتی استیناف محکمه سی جزا دائره سندن  
ویریلان برنومرولی اعلام

اورته کوی قضاسی اهلایسندن مصطفی اوغلی  
علینک قتل قصدیه جرح اولنسندن دولای جنایتله  
اتهام اولنان یوان اوغلی یقونک اوچ سنه مدته  
کورک قونلسنه دائر ادرنه ولایتی استیناف محکمه سی  
جزا دائره سندن ویریلان ۲۵۲ نومرولی اعلام

الشکرد قضاسندن جعفر اوغلی سلیمان ایله  
رفقاسنک اموال و اشیا لرینی اخذ و غصب ایتلرندن  
دولای جنایتله اتهام اولنان قشر اسماعیلک بش سنه  
درت ماه وحسین و طوفانک اوزر سنه سکزر ماه  
مدتله کورک قونلرینه دائر بازید سنجانی بدایت  
محکمه سی جزا دائره سندن ویریلان ۵۵ نومرولی  
اعلام

سوی قریه سندن عبده بن اسماعیلک قتلندن  
دولای جنایتله اتهام اولنان عزیز بن اسماعیلک

اون بش سنه مدته کورک قونلسنه دائر سلیمانیه  
سنجانی بدایت محکمه سی جزا دائره سندن ویریلان  
۱۸۴ نومرولی اعلام

بایندرلی ارنبود اوغلی محمد قتل قصدیه سلاح  
انداخت ایتسندن دولای جنایتله اتهام اولنان عمر  
بن شریفک اوچ سنه مدته کورک قونلسنه دائر  
آیدین ولایتی استیناف محکمه سی جزا دائره سندن  
ویریلان ۴۶ نومرولی اعلام

کرکوکلی محی الدینک کیفیت قتلندن دولای  
جنایتله اتهام اولنان سیدلجی رشید بن محمدک اون بش  
سنه مدته کورک قونلسنه دائر کرکوک سنجانی  
بدایت محکمه سی جزا دائره سندن ویریلان ۶۳  
نومرولی اعلام

ساقیه محله سی مختاری حسانی افندیکنک خانه سندن  
اشیا سرقت ایتسندن دولای جنایتله اتهام اولنان  
بغدادلی ثلال بن دهنگ اوچ سنه مدته کورک قونلسنه  
دائر بغداد ولایتی استیناف محکمه سی جزا دائره سندن  
ویریلان ۱ نومرولی اعلام

قائاندلن اهلایسندن بهاء الدین اوغلی یوسفک  
اسلحه سی غصب ایلدیکی ادعا اولنسندن دولای  
جنایتله اتهام اولنان کور علی اوغلی محمدک اوچ سنه  
مدته کورک قونلسنه دائر آیدین سنجانی بدایت  
محکمه سی جزا دائره سندن ویریلان ۳۱ نومرولی اعلام  
چابوط اوغلی حسینک کیفیت قتلندن دولای  
جنایتله اتهام اولنان افیون قره حصارلی محمد بن  
خلیلک اون بش سنه مدته کورک قونلسنه دائر  
صاروخان سنجانی بدایت محکمه سی جزا دائره سندن  
ویریلان ۷۵ نومرولی اعلام

تزیله خاتونک تفنگ صاحبه سیله کوزینی جرح  
ایدرك رؤیتدن اسقاط ایلدیکی ادعا اولنسندن دولای  
جنایتله اتهام اولنان باغجی ابراهیم اوغلی محمدک اوچ  
سنه مدته کورک قونلسنه دائر آیدین ولایتی استیناف  
محکمه سی جزا دائره سندن ویریلان اعلام

خوبه قضاسی اهلایسندن طوبال اوغلی ابراهیمک  
معامله جبر و شدت اجراسیله نقود و اشیا سی



اخذ وغصب ایتسندن دولای جنایتله اتهام اولنان طاقوز اوغلی مصطفانک اوج سنه مدته کورکه قوئلسنه دائر لازستان سنجانجی بدایت محکمه سی جزا دائره سندن وبریلان ۷ نومرولی اعلام

قواله قضای اهایلسندن قطعی محمودک صول الی بیچاقله جرح ایدرک عملدن اسقاطنه سببت ویرمسندن دولای جنایتله اتهام اولنان عباده اوغلی صادق اوج سنه مدته کورکه قوئلسنه دائر درامه سنجانجی بدایت محکمه سی جزا دائره سندن وبریلان ۵۱۵ نومرولی اعلام

تنوس قضای اهایلسندن صائفش اوغلی احمدک کیفیت قتلندن دولای جنایتله اتهام اولنان علی بن مامونک اون بش سنه مدته کورکه قوئلسنه دائر سیواس ولایتی استیناف محکمه سی جزا دائره سندن وبریلان ۲۱۴ نومرولی اعلام

آق طاع قضای اهایلسندن حاجی عثمان اوغلی عثمان ایله کرد بطالک نقود و اشیا سنی اخذ وغصب ایتلرندن دولای جنایتله اتهام اولنان یوسف اوغلی ممش وقواس محمدک دردرسنه مدته کورکه قوئلرینه دائر قیر شهری سنجانجی بدایت محکمه سی جزا دائره سندن وبریلان ۲۶ نومرولی اعلام

اکرید قریه سندن منلا محمدی ایغندن جرح ایدرک تعطیل عضو نه سببت ویرمسندن طولای جنایتله اتهام اولنان حاجی احمد اوغلی اسماعیلک اوج سنه مدته کورکه قوئلسنه دائر صاروخان سنجانجی بدایت محکمه سی جزا دائره سندن وبریلان ۴۷۳ نومرولی اعلام بیروت اهایلسندن میخانیل الحداد اوغلی یوسفک خانه سنک قیوسی قیره رق بالدخول مجوهرات سرقت ایتسندن طولای جنایتله اتهام اولنان نیقولینک اوج سنه مدته کورکه قوئلسنه دائر بیروت ولایتی استیناف محکمه سی جزا دائره سندن وبریلان ۱۳۵ نومرولی اعلام محکمه سی تمیز جزا دائره سنجه تصدیق قلمشدر .

۳۶۶ نومرولی نسخه ده مندرج درسماعت جنایت محکمه سی اعلامنک مابعدی :

مدعی عمومیک جانسندن وبریلوب معامله تبلیقه سی اجرا قلمش اولان بوصله ده اساسی محرر اولوب دعوت واقعه اتباعاً ورود ایتدکری خبر ویریلان شاهلر برر برر حضور محکمه یه جیمارلررق وعندالسؤال بولنردن مدلیلی یورکیک مدعی قوچونک قائم پدري اولوب دیکرلرینک طرفینه قرابت ومناسبت وخصوصتاری اولدینی اکلاشیلررق وادومقوله مدعی شخصیلر مناسبلری

بولانلرک استعانه مانع قانونی کوریه مدیکنه مساوان مومی الیک مطالعة واقعه سی موجبیه بالاتفاق قرار ویریلرک طرفینه انا و مرقوم یورکی لسان ترکیه لایقیه آشنا اولدینی سولسیله معالین لسان ترجانی تعیین قلدن واقعه ایدرک یورجیلک ایتدیکنی سولیلان یکریمی اوج باشنده قوچو ولد اندریشو واسطه سیله انک طوغریدن طوغری یه دیکرلرینک قانونی دائره سنده امرتحلیفلی اجرا اولدقدن صکره منفرداً ومواجهه استماع اولدقدلرند بولنردن بک اوغلنده اقامتیه دو قورلق ایتدیکنی سولیلان اوتوز سکر باشنده یونانی سراندی افندی ولد نیقوله خاطرلایه مدینی براخشان کندوسی یازیه باقی اوزره مدعی شخصیلرک بولدینی خانه یه چاغرملری اوزرینه کیتدیکنده قوچو ایله پرسفونه نک مجروح اولدقاری کورمسیله لازم کلان مداوانی اجرا ایتدیکنی ومتهم نیقولی بی محل جرمه کورمدیکی کی مرقوم نیقولی نک مزبوره پرسفونه یی تدای ایت بن یارده سی ویرم دیدیکنی دخی ایشتمدیکنی ویشقه کونه معلومان اولدینی وکندوسنک مستطقی طرفندن جلب ایدلیدیکنی سولیدی .

غلطه ده امرها تیاروسی اتصالنده ۲۱۸ نومرولی اجزا خانه ده اجزاجیلک ایدن قرق طقوز باشنده یونانی قسطاکی ولد ابوستول متهم ومظنون علیلرک خانه لرنده جرح وقوعولش اولسی اجلدن مدعی قوچونک قائم پدري یورکی اجزا بالاشترا اتمانک برمداری ویردرک قصوری متهم نیقولی نک قائم پدري وانکل ورر دیدیکنی وایخراً دخی الدقاری اجزا اتمانندن برقسمی مرقوماند وانکل تسویه ایتش ایسه ده آرتق کلامکه باشلادیقندن مرقوم یورکیه علاج ویرمدیکنی وبونک اوزرینه متهم نیقولی کله رک علاج ویرمدیکنک سببی کندوسندن صورمی وکندوسی دخی علاج اتمانندن تأدیه اولنیلان ایچ ویرلدیکجه علاج اعطا ایدیه یه جکی جوابی ویرمی اوزرینه متهم نیقولی نک (بن قائم پدري وانکلرک علاج یارده سی اوله رق الیدوز غروش یاره ویرم صالی کونه قدرنمقدار علاج ایستلرله ورر صالی کونی وانکل کلدیکنده حسابلری یازار) دیدیکنی ویوم مذکورده کیمسه کلدیکندن آرتق علاج ویرمدیکنی افاده مضبوطه سی وجهله یاد ویرمدیکنی واساساً غلطه مختارینک توصیه نه مینی مرقومان یورکی ووانکلرک علاج اعطا ایتدیکنی ومختار ایله وانکلک شمیدی زرده بولندقاری بیلمدیکنی وشهادتنک حاضر بولنان متهم حقنده اولدینی علاوه ایراد ایلدی .

متهم نیقولی مدعی شخصی قوچونک فقر وضرورتیه ترحم قائم پدري واسطه سیله بش اون غروش اعانه ایتدیکنی وکندوسنک اساساً مدعی مرقومه خصوصتی اولوب مرقومک دخی کندوسنه خصوصت بیلدیکنی بیلمدیکنی بیان ومدعی شخصی قوچو متهمک اجزا اتماننی ویرمی دعوی ایتامک ایچون اولدینی درمیان ایلدیلر .

غلطه ده ارمنی کلیسای قارشوسنده اوپه باشی انیمه نک خانه سنده بیتوتله رژی اداره سنده صابونجی ایتدیکنی سولیلان الی بش باشنده مدلیلی یورکی ولد میخائل وقعه کیجی اوله سنده یلک دیدیکی ائشاده قوچقار میاننده محدث ایدن منازعه اوزرینه متهم نیقولی النده بیوجک بریچاق بولدینی حالد کله رک مدعی قوچونک الی ایکی یردن جرح ایتدیکنی ومدعی مرقومی برای تخلیص یانلرینه کیدن پرسفونه یی دخی یارمقیله اوموزینک آرقه جهندن یارلیدیکنی ومظنون علیه یامینونده نک بولری تفرقه چالشیدینی ومتهمک زوجی قرینه دخی ائشای منازعه ده مدعی قوچونک بیچاقلری طوتوب صیدینی کوردیکنی افاده استطاقیه سی وجهله حکایه وعند الاستیضاح منازعه نک ایاق بولی یسللکندن محدث ایتدیکنی مزبوره قرینه نک قوچویه اوردینی کورمیسوب الت جارحنک دخی زرده قالدینی بیلمدیکنی ومظنون علیه یامینونده اره یه کیرماش اولسه بیچاگک جسمته کوره متهمک پرسفونه یی قتل ایده جکندن شبهه اولدینی ودیدیکی نیقولینک حاضر بولنان متهم ایدوکنی افاده سنده علاوه ایتدی .

متهم نیقولی مدعی شخصی قرابتی بولندیقندن ناشی ایشو شاهده ک افاده سی قبول ایدیه یه جکی جوابنده بولندی . محل مذکورده قله قیوسنده لفتراکی محله سنده یوزر نومرولی خانه ده اقامتیه قوندره جیلک ایتدیکنی سولیلان اوتوزش باشنده نیقولی ولد قسططین وقعه ائشاندیه اوپه سنده بولندینی جهته غوغا ومنازعه ایدنلری کورمدیکنی واورده ده زیاده سیله کورلتی اولدیقندن منازعه ایدنلری صداسندن دخی طانیه مدینی و طرفین اسمایسنک ذکر یی سبق ایتدیکنی دخی بیلمدیکنی وایچوق وقعه دن صکره مدعی قوچو ایله زوجیه سنک یارلش اولدقاری کورمش ایسه ده متهم نیقولی یی واورده ده مشاهده ایدیه مدیکنی ومتهم مرقومک دو قور و اجزا یارده سی ویره جکته دائره معلوماتی اولدینی بیان ومذکور خانه ده مقیم الی باشنده قوندره یی اوله لی قسططین ولد نیقولی دخی

ائشای وقعه ده اوپه سنده اوپوردینی ایچون کیفیت جرحی وجارجلری کورمدیکنی وکورلتی ایشتمش ایسه ده طرفینک صدالری تقریبی ایده مدیکنی ومتهمک محل وقعه ده اولدینی وهرکیجه اوپه سنه کلوب کلدیکنی بیلمدیکنی شاهد نیقولینک افاده سی دائره سنده ائیان ایلدیلر .

متهم نیقولی کندوسی مذکورخانه نک اوپه باشی اولدینی اجلدن لیل مذکورده مدعینک براله جقلو سی کلوب غوغا ایتدیکنی کوردیکنی سولیدی . مدعی شخصی قوچو ایشو شاهد نیقولی وقسططینک متهمدن خوفلرندن ناشی بیلدیکلری سولیمکده اولدقاری سرد ایتدی . (بقیه سی کله جک نسخه یه )

موردهابک سرسریلکی اصولاً ثابت اوله مدیقندن برائته نسیمک یاسقه تشریح سلاح ایلدیکنی ثابت اوله مدیقندن برائته حده خانه مکنتی طلبه سندن نجانی اقدینک توفیق اقدی به تشریح سلاح ایلدیکنی ثابت اوله مدیقندن برائته وارطانوش قادین ایله اوغلی آشودک خرستونک اموال منقوله سنه ایراث خسار ایلدیکلری ثابت اوله مدیقندن برائتله

هائیمک ماردیروسک ساعتی اخذ وسرقت ایتدیکنی ثابت اولدیقندن اوج آی حبسنه وختام مدت جزائییه سنده ضابطه حه کفالتیه ربطه منیراقدینک صائم افندی بی جرح ایلدیکنی ثابت اولدیقندن برلیرا آله رق صائم افندی به اعطاسنه یکی جام مشرف جوارنده قوندره جیلک ایدن علینک رفعتی ضرب ایلدیکنی ثابت اولدیقندن برلیرا آله رق مضروب به اعطاسنه

چاوش دره سنده ساکن ابراهیم اقدینک صالحک اموال منقوله سنه ایراث خسار ایلدیکنی ثابت اولدیقندن اون ایشلک جزای نقدی اخذینه طاش اهرق مارینک جاملری قیردینی وخلاف تنیه اوزرنده سلاح طاشیدینی اصولاً ثابت اولان قسطینک بش کون حبسنه

شمس الدین اقدینک اسماعیل اغایه اطاله لسان ایلدیکنی ثابت اولدیقندن برلیرا جزای نقدی آلمسنه درسماعت ، بک اوغلی واسکدار بدایت محکمه لری جزا دائره لرینجه قرار ویرلشدر .

## محاکمات ایتدیکنی

حیانه قضای بدایت محکمه سی مدعی عمومی معافی وکیل بولیس قومه سیری محرم الهامی اقدینک سیوربحصار قضای بدایت محکمه سی مدعی عمومی مساوینکی وکالتنده بولندینی صره ده خلاف قانون معاملاته متجاسر اولدینی اقره ولایتی استیناف محکمه سی مدعی عمومی کلدن وارد اولان اوراق تحقیقیه مندرجاندن اکلاشیلررق مومی الیک محاکمه آله التمه المنسته عدلیه نظارت جلبله سندن مأذونیت اعطا واولوجهله محله تبلیغات مقتضیه اجرا ایلشدر .

## اعلانات

درسماعت استیناف مدعی عمر بیلکندنه : اوجوز اون طقوز سنه سی اعستوسنک یکریمی بشنجی کونی شبله قضای داخلنده یکی کوی اشانی محله سندن بلاوارچی اوغلی خره لموس ورفیق خرستونک داریجه دن قریه لرینه کلدیکله ایکن مرناد تیه نام محله مسلحاً اوکلرینه چیقهرق جبر وشدت اجرا سیله نقود وبارکیرلری اخذ وسرقت ایلدیکلری ادعاسیله مظنونلردن اولوب وادی فرارده بولنان وواصف واشکالاری غیر مضبوط اولان اطه بازاری قضاسنه تابع خندق ناحیه سنک صاری بر قریه سی اهایلسندن کورچی حسین چاوشک اوغلی ککمه حسین ایله مرقومک خدمتکاری مرآتک اصول محاکمات جزائییه قانوننک مواد مخصوصه سی احکامنه توفیقاً درسماعت جنایت محکمه سنده محاکملری اجرا قلمق اوزره قانون جزانک ایکی یوز یکریمی برنجی ماده سی موجبیه جنایتله اتهاملرینه قرار ویرلدیکندن متهمان مرقومانک هر زرده کوریلورلرله طوتیلوب محکمه مزبوره توفیقخانه سنه تسلیملری لازم کله جکی بالجله ضابطه عدلیه مامورلرینک معلومی اولق اوزره ایشو اخذ وکرفت مذکره سی درسماعت هیئت اتهامیه سندن بالتظام اعطا قلدی .

درسماعت بدایت محکمه سی برنجی مقومه دائره سنده : باقرچی یانینک اقمیراده اولانلرکیه سی قرینه کی قهوه خانه ده ساکن ایکن بوندن اقدم وفات ایدن حسین اغانک حال حیانتده تحته قلعده خواجه محمدک قهوه خانه سنده مقیم حاجی رجب اغا زنده کی الاچنک تأمینی ضامننده مرقوم رجب اغانک املاکنی حجز آلتنه

الدیردینی بوندن سکرسته اول ترتیب ایده جک ضرر وزبانی تفسیه نه کفیل ارانه ایلدیکنی کندوسنک اقمیراده چاقراغا محله سنده داودپاشا اسکله سی جاده سنده سکر نومرولو متصرف اولدینی براب باقرچی دکانشه درسماعت بدایت محکمه سی مقاولات محررلکی طرفندن وقوعبولان اشعار اوزرینه وضع ایتدیلش اولان حجزک دابن ایله مدیون بیلنده کی دعوانک شمیدی به فصل ورؤیت ایلش اوله جتی جهته فکی حقسنده دابن مرقوم حسن اغانک وارث و اوغلی احمد ومدیون رجب اغا لر علیه درسماعت بدایت محکمه سی برنجی حقوق دائره سنده تصدی ایلدیکنی دعوانک محل اقامتلرنده بولیه میوب زریه کتدکلی دخی مجبول بولنش اولمندن ناشی غزته لرله اعلان ایتدیلرک صورتیه دعوت ایتدیریلان مرقومان احمد ورجب اغارک یوم معینده اجابت ایتاملرینه مینی وکیل مسخر تعیین قلدن شوق افندی حضوریه غایباً اجرا قلدن محاکمه نتیجه سنده مرقوم حسین اغانک مذکور باقرچی دکانه وضع ایتدیلش اولدینی حجزک فکته ۶ کانون ثانی سنه ۳۴۰ تاریخنده غایباً ومتفقاً قرار ویریلرک تنظیم قلدن اعلامک برصورتی علی الاصول محکمه دیوانخانه سنه تعلیق قلمق صورتیه تبلیغ اولندینی اعلان اولور .

اسکدار بدایت محکمه سی حقوق دائره سنده :

غلطه ده قلفات محله ده مقیم تجاردن شریف علی زاده محمود مرآت اقدینک قاضی قریه سنده موده جاده سنده ظفرافا زقاغنده اوج بیک الی بر نومرولی خانه ده ساکن ابنیه قلفه لرندن یورکی پترو بولوس علیه اسکدار بدایت محکمه سنده بلسند اقامه ایلدیکنی اوتوزر لیرا التیشیدی غروش مطلوبات دعواسندن طولای محکمه دن تنظیم قلدن دعوتیه ورقه سی ظهرینه مدعی علیه مرقوم بک اوغلی ودرسماعت طرفلرنده ایسه ده قنی ستمنده ساکن اولدینی بیلکه مدیکنی قریه مذکورده روم مختاری انسطاش ومحکمه مباشری طرفلرندن شرح ویرلمکله مرقومک اقامتگاهی مجبول اولدینی اکلاشیلش ومومی الیه کیفیتک اصولاً غزته ایله اعلان ایلدینی طلب ایش اولدیقندن اصول محاکمه حقوقیه قانوننک یکریمی التنجی ماده سی منطوقه یه بیک اوجوز یکریمی بر سنه سی مایسنک اون دردنجی جمعه ایرتنی کونی ایچون بازیلان دعوتنامه محکمه دیوانخانه سنه تعلیق قلدن قلدینی کی مدعی علیه مزبورک محکمه مذکورده کلسی ویاخود مصدق سنده بروکیل کوندرمی و خلاقی تقدیرده حقنده غایباً معامله



قانونيه اجرا اولنه جنی معلوم اولق اوزره اعلان  
کيفيته ابتدار قلندی .

### ایکنجی تجارت محکمه سنده :

در سعادته توتون کمرکنده اونبر نومرولی زیتون  
یاغی وصابون دپوسنده مقیم تجارندن یانی اورامیدینک  
۲۰ نیشان سنه ۳۲۱ تاریخندن اعتباراً اعلان افلاسنه  
ومصالح افلاسیه نك رؤیت وتسویه سی ضمنتده محکمه  
اعضا ملازمی عزتلو یانقو افندینک ژوز قومیسر  
ودعوی وکیلی بنیامین قالیساقیان افندینک موقت  
سندیک تعینلرینه ومغازه سیله اشیاى زائده بیتیه سنک  
تمهیرینه واوراق ودقارینک جلبنه وكفالت معتبره  
مصدقه ارانه ایده مدیکى تقدیرده حبس وتوقیفنه  
وبوباده کی قرارک موقه اجراسنه ایکنجی تجارت  
محکمه سندن قرار ویرلمش اولدیغندن قانوننامه تجارتک  
۱۷۰ نجی ماده سی موجبجه دائمی سندیکلر انتخاب  
اولنق اوزره [۵ مایس سنه ۳۲۱] پنجشنبه کونی ساعت  
یدی راده لرنده اصحاب مطلوبک محکمه مذکوره نك  
مصالح افلاسیه رؤیته مخصوص اوطه سنه کللری اعلان  
اولنور .

مقدمه چارشوی کیرده تحفجی سلانیکلی عثمان  
افندینک ۲۱ نیشان سنه ۳۲۱ تاریخندن اعتباراً  
اعلان افلاسنه ومصالح افلاسیه نك رؤیت وتسویه سی  
ضمنتده اعضای محکمه دن سعادتلو رضا بکک ژوز  
قومیسر ودعوی وکیللرندن عثمان طلعت بکک موقت  
سندیک تعینلرینه ومغازه سیله اشیاى زائده بیتیه سنک  
تمهیرینه واوراق ودقارینک جلبنه وكفالت ارانه  
ایده مدیکى حالد توقیفه وبوباده کی قرارک موقه  
اجراسنه ایکنجی تجارت محکمه سندن قرار ویرلمش  
اولدیغندن قانوننامه تجارتک ۱۷۰ نجی ماده سی  
موجبجه دائمی سندیکلر انتخاب اولنق اوزره شهر  
مایسک بشنجی چهارشنبه کونی ساعت یدی راده لرنده  
اصحاب مطلوبک محکمه مذکوره نك مصالح افلاسیه  
رؤیته مخصوص اوطه سنه کللری اعلان اولنور .

تحخیص زقاغده نملی زاده خاننده ایکن ایکنجی  
محکمه تجارتندن افلاسنه حکم اولنش اولان قصاب  
عزیزاغانک خصوصات افلاسیه نك رؤیت وتسویه سی  
ضمنتده دعوی وکیللرندن سموئل افندی اصالة  
سندیک تعین قلنمش اولدیغندن مفلس مرقوم ذمتنده  
اله جنی اولنلرک قانوننامه تجارتک ۱۹۹ و ۲۰۰ نجی  
ماده لری موجبجه تحقیق دیون ایچون تاریخ اعلانندن  
اعتباراً یکریمی برکون ظرفنده سنداتی محکمه کاتبه  
تسلیم اللملری ومدت مذکوره ختامندن صکره اوج

کونده یعنی ۳۲۱ سنه سی مایسنک ۱۰ نجی صالی  
۱۱ نجی چهارشنبه و ۱۲ نجی پنجشنبه کونلری ایکنجی  
محکمه تجارتک مصالح افلاسیه رؤیته مخصوص اوطه سنه  
کلرک سندیک افندی مواجهه سنده اله جقلرینی اثبات  
وقید وتصدیق ایستیرملری ومدت مذکوره ده اثبات  
وجودایده میان اله جقلولر حقنده قانون مذکوره ۲۱۰  
نجی ماده سنه توفیقاً ایضای معامله اولنه جنی اعلان اولنور .

غلطه ده موخانه ده کوش خلقه لی زقاغده عطریات  
فابریقه سنده عطریات تجارتیه مشغول آلکسی بکمزک  
۲۵ نیشان سنه ۳۲۱ تاریخندن اعتباراً اعلان افلاسنه  
ومصالح افلاسیه نك رؤیت وتسویه سی ضمنتده اعضای  
محکمه دن سعادتلو رضا بکک ژوز قومیسر ودعوی  
وکیللرندن مارقو ناخوم افندینک موقت سندیک  
تعینلرینه ومغازه سیله اشیاى زائده بیتیه سنک تمهیرینه  
واوراق ودقارینک جلبنه وكفالت قویه ارانه ایده  
مدیکى تقدیرده حبس وتوقیفه وبوباده کی قرارک  
موقه اجراسنه ایکنجی تجارت محکمه سندن قرار  
ویرلمش اولدیغندن قانوننامه تجارتک ۱۷۰ نجی  
ماده سی موجبجه دائمی سندیکلر انتخاب اولنق اوزره  
بیك اوچیوز یکریمی بر سنه سی مایسنک اوننجی صالی  
کونی ساعت الی راده لرنده اصحاب مطلوبک محکمه  
مذکوره نك مصالح افلاسیه رؤیته مخصوص اوطه سنه  
کللری اعلان اولنور .

قازینک سروپیان افندی طرفندن غلطه ده  
قورشونلی خانه ۲۴ نومرولی اوطه ده مقیم ایکن  
غیوبت ایدوب الیوم اقامتکاهی مجهول ایدوک خان  
مذکور اوطه باشیسی طرفندن خبر ویریلان پاریسیخ  
اوخانیان علینه درسعادت ایکنجی تجارت محکمه سنده  
اقامه ایدیلان یکریمی ایرا درت یچق غروش مطلوبات  
دعواسی اوچیوز یکریمی بر سنه سی مایسنک ایکنجی  
پازاریرتسی کونی ساعت التیده فصل ورؤیت  
اولنه جفندن یوم وقت مزبورده مدعی علیه مرقوم  
پاریسیخ اوخانیانک بالذات محکمه مذکوره ده حاضر  
بولنسی ویاخود مصدق سندنله بروکیل کوندرمسی  
لازم کله جکی وشاید گلز ویاوکیل کوندرمز ایسه  
حقنده معامله غایبه اجرا قلنه جنی معلوم اولق  
اوزره تنظیم اولسان دعوتیه ورقه سی محکمه نك  
دیوانخانه سنه تعلیق اولندیکی کبی اوراق حوادث  
واسطه سیله دخی اعلانه ابتدار قلندی .

### محکمه تجارت اجرا دائره سنده :

استپان تللیانک اینکجی اصنافندن حیدر بن  
الحاج مصطفی ذمتنده ایکنجی محکمه تجارتندن ویریلان

وصورتی ۱۵ حزیران سنه ۳۲۰ تاریخنده تبلیغ قلنان  
۷ حزیران سنه ۳۲۰ تاریخلی ویتش ایکی نومرولی  
اعلام موجبجه اله جنی اولان التیک درتیوز  
سکسان درت غروشی فائض ومصارف محاکمه سیله  
برابر تاریخ اعلانندن اعتباراً طقسان برکون ظرفنده  
مدیون مرقوم حیدرک موقه اجرایه مراجعتله تسویه  
ایلمسی وقانوناً قبوله شایان برده جکی اولدینی تقدیرده  
مدت مذکوره ظرفنده تحریراً بیان ایتمسی وایتمدیکی  
ودینی تسویه ایلمدیکی حالد مبلغ محکوم بکک تأمین  
استیفاسیچون حیز الته الديرلمش اولان آخورقپو  
جوازنده جان قورتاران جاده سنده برومکرر بر  
نومرولر ایله مرقم رباب خانه والتنده کی دکانده مدیون  
مرقومک متصرف اولدینی نصف حصه لرینک  
فروختیه اثمان حاصله سندن استیفای مطلوب  
ایستیریله جکی معلوم اولق اوزره تنظیم اولنان اشبو  
اخبارنامه مدیون مرقومک محل اقامتی مجهول بولنق  
ملاسه سیله اصول محاکمه حقوقیه نك یکریمی التجی  
واجرا قانوننک یکریمی طقوزنجی ماده لرینه توفیقاً  
مرقوم حیدره تبلیغ ایدلمش عد اولنق اوزره  
محکمه تجارت اجرا دائره سی دیوانخانه سنه تعلیق  
اولندیکی کبی غزته لر ایله دخی اعلانه مبادرت  
قلندی .

### اعلانات نظامیه اجرا دائره سنده :

فوطی بالالوغونک استاروله بنت یورکی ذمتنده  
جهت قرضدن باسند الاجنی اولان اوچیوز التیش  
عدد سیم مجیدیه نك مع گذشته ومصارف مزبورده دن  
تحصیلنه دائر درسعادت بدایت محکمه سی برنجی حقوق  
دائرة سندن تنظیم وصورت مصدقه سی کندوسنه تبلیغ  
قلنان ۲۷ کانون اول سنه ۳۲۰ تاریخلی وسکزیوز  
اوج نومرولو برقطه اعلام غیابی برای تنفیذ دائرة  
اجرایه تودیع ایدلمش ووقوعبولان تبلیغات اوزرینه  
مزبورده نك اقامتکاهنده اولیوب الیوم بولندیکی علك  
مجهول اولدینی بالتحقیق اکلاشلمش اولسنه مبنی  
تاریخ اعلانندن اعتباراً واجرا قانوننک یکریمی طقوزنجی  
ماده سنه توفیقاً اوج آی ظرفنده مزبورده طرفندن  
اثبات وجود ایله مراجعت ایدلمدیکی تقدیرده  
داین طرفندن وقوعبوله جق مطالبات قانونیه  
اوزرینه اعلام مذکور حکمنک اجرایی جهته  
کیدیه جکی درسعادت اعلانات نظامیه اجرا دائره سندن  
اعلان اولنور .